



# JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina  
Public Institution Health Center of Sarajevo Canton  
Sarajevo Canton, Federation of BiH, Bosnia and Herzegovina



Broj: 01-03-45-5726/23  
Sarajevo, 10.11.2023 godine,

## PREDMET: SAOPŠTENJE ZA MEDIJE

Proteklih godina Javna ustanova Dom zdravlja Kantona Sarajevo bilježi neprekidni rast broja usluga i zadovoljnih pacijenata. U istom periodu Ustanova je radila na unaprijeđenju poslovanja, poboljšanju brige o pacijentima, ali i neprekidno vrši nabavku najsavremenije medicinske opreme. Zahvaljujući takvom strateškom opredjeljenju, usluga je podignuta na značajno veći nivo. Nažalost, postoje i oni koji iz samo njima poznatih razloga špekulacijama i neistinama pokušavaju diskreditirati rad stotine vrijednih uposlenika i uznemiriti građane našeg Kantona. To potvrđuje i posljednji primjer objave neistinitog i nadasve zlonamjernog teksta pod naslovom "Dokumenti razotkrivaju Abela Baltića: Dom zdravlja Sarajevo krivotvorio ugovor da bi isplatio 21 hiljadu KM privatnoj firmi Medical koja je bliska SDP-u", kojim se lažno pokušava javnost i građani Kantona Sarajevo dezinformirati da je Javna ustanova Dom zdravlja Kantona Sarajevo, politička organizacija SDP-a, i na taj način stvoriti slučaj tamo gdje on istinski ne postoji. Mi želimo poručiti našim sugrađanima da rad Javne ustanove Dom zdravlja Kantona Sarajevo je u potpunosti transparentan i zakonit, a informacije o našem radu dostupne su ne samo zvaničnim organima, već i kroz izvještaje svim ostalim zainteresovanim stranama. Konkretno, a imajući u vidu da su građani ti, koji kao porezni obveznici i osiguranici uplaćuju porez i doprinose, iz kojih se finansira rad JU Dom zdravlja KS, želimo iste obavijestiti o sljedećem:

Suprotno neistinitim navodima objavljenim pod prednje navedenim naslovom, obavještavamo građane i javnost da je u provedenom postupku javne nabavke roba-nabavka radiološke opreme koji je bio podijeljen u tri /3/ Lota, u tački 3. Tenederske dokumentacije „Opšti podaci o postupku javne nabavke“, podtačka 3.7 i 3.8. propisano: "Da li se zahtijeva garancija za ozbiljnost ponude: DA za lot 1 i lot 2-1,5% od procijenjene vrijednosti", „Da li se zahtijeva garancija za dobro izvršenje posla: DA, za lot 1 i lot 2-3% od ugovorene vrijednosti“. Dakle, iz zvanične tenderske dokumentacije jasno se utvrđuje da nikakva bankovna garnacija nije predviđena za lot 3, imajući u vidu procijenjenu vrijednost nabavke po lotu 3-18.000,00 KM bez PDV-a. Međutim, uvažavajući činjenicu na koji način se finansira rad JU Dom zdravlja KS, u odredbama zaključenog ugovora za Lot 3, interesi Ustanove i građana su osigurani na način da su utvrđeni penali.

Dakle, suprotno lažnim i netačnim navodima naznačenim u tekstu koji je objavljen pod prednje navedenim naslovom na portalu „Istraga.ba“, a koji tekst je preuzeo i portal „Slobodna Bosna“, u znak iskazivanja velikog poštovanja prema građanima i poreznim obveznicima, dajemo predmetno saopćenje za javnost.

Na kraju obavještavamo javnost da Javna ustanova Dom zdravlja Kantona Sarajevo, posebno vodi računa o javnim nabavkama i skoro da je nemoguća misija prilikom procesa javnih nabavki učiniti bilo šta što nije u skladu sa aktuelnim zakonskim normama, a što je ispoštovano i u slučaju nabavke radiološke opreme u julu 2022 godine.

Na kraju, obavještavamo javnost da je Tenderska dokumentacija broj:OP-15/22, Sarajevo, mart 2022.godine, dostupna na portalu Agencije za javne nabavke.

S poštovanjem,



**MEĐUPREDSJEDNIK**  
**DOM ZDRAVLJA KANTONA SARAJEVO**